

Er sait auch wie die hezen
Dy im wizen hezen
Dy puch in ieglicher ee
Dy fünf puch von moyse
Dy alten bericht
Dy von gericht
Dy genennet allsus

und esdras vnd Josephus
und ander weisagen
die syrat die inden tagen
triben die geschicht der zeit
Saut Salamon vnd Judith
Ester vnd machabeus

Dy puch nennet er allsus
Dy ersten e geschriben hant
Alz sy hie geschriben stant
Paulus vnd di zwelfpoten her
Noch geit er vns vrchond mer
Wie dy geharzen waren

Dy da schriben in iren iaren
Den glauben der christen
Dy vier ewangelisten
Des glauben fundamente
Der pabst samt clemente
Origenes vnd dyonisius

Johannes chrisostomus
Nathasius vnd Jeronimus
Augustinus vnd gregorius
vnd ander lerer vil
Der ich alhie nicht nennen wil

Doch wil ich ewch hie nenne
Das wir sy moegen erchenne
Dy der henden cronica tichten

und in latin berichten
Josephus vnd ainer was
Der dy puch der diet laz
Dyonisius vnd orosius
Egesippus vnd scretorius
Solanus vnd Julius

und einer hiez affricanus
Der von erste der erste was
Der cronica schraub vnd laz
Von der chynig geschicht
Von den kalden hat vns bericht
Der chynig puch Berosus
Ein puch tichter das hiez allsus
Der mit geschrift di mere vns gab
Von erstweis dez landes irhab
Der chynig leben vnd netot
So hat der weis mamenot
Von egypten land gesait
Des landes gelegenheit

Alz ir geschicht wie die geschach
S was sein geschrift von da veriach
Das bedeut vns samt Jeronimus
mebeus vnd elicius
Der alle geschrift vrchund het
Von der ersten getat

Das diu werlt sich hueb an
vnd von erste mugen began
vnd wie sich in iren zeiten
Diu land tailten vil weiten
Alz dy chynichreich sint gelegen
Die der lande solden phlegen

Wie die vnder sich diu land
Tailten auch hat er genant
Diu land meistlich in asya
In Europa vnd in affrica
Die alder erde gelegenheit
Begriffent gar als man vns sait

Der lande name ist als vil
Das ich ir nicht nennen wil
Van her nach mit den maron
So sol ich ewch bewaren

Ir namen mit der worhait
Alz vns dez puches maister sait
Das puch beginnet heben an
Von adam dem ersten man

Das puch beginnet heben an
Von adam dem ersten man